



CONCELLO DE TEO (A CORUÑA)

RESOLUCIÓN DA ALCALDÍA

ASUNTO: SERVICIOS MÍNIMOS – FOLGA NO SAF O 23 DE OUTUBRO E O 4 DE NOVIEMBRE DE 2025 (2025/X999/000735)

EXPEDIENTE: 2025/G003/001331

Á vista da convocatoria de folga realizada pola Confederación Intersindical Galega (CIG) para o conxunto de servizos de axuda no fogar do territorio galego os días 23 de outubro e 4 de novembro de 2025.

Considerando que o Concello de Teo é titular dun servizo de axuda no fogar debidamente acreditado ante a Consellería de Política Social e Igualdade, servizo que se presta a través do correspondente contrato administrativo asinado coa Fundación para el Estudio y la Promoción de la Acción Social (FEPAS) da cal depende o persoal afectado por esta convocatoria de folga.

En virtude do exposto, e ao abeiro das facultades que me confire o artigo 21 da Lei 7/1985, do 2 de abril, reguladora das bases do réxime local e demais normativa aplicable,

RESOLVO:

Primeiro.- Establecer os seguintes servizos mínimos para o Servizo de Axuda no Fogar Municipal do Concello de Teo durante as xornadas de folga convocadas para os días 23 de outubro e 4 de novembro de 2025:

Execución de todos aqueles servizos prestados a persoas que, conforme ao seu plan de traballo, teñan incorporada a prestación de atencións no ámbito das actividades básicas da vida diaria, coas correspondentes tarefas necesarias para a súa correcta execución, sexan de modalidade básica ou de dependencia. Quedando exceptuadas



CONCELLO DE TEO (A CORUÑA)

as tarefas de supervisión de actividades básicas, salvo nos casos de supervisión de medicación, que si deberán realizarse.

O tempo de desenvolvemento da atención axustarase a aquel necesario para a execución das atencións das actividades básicas descritas. Respectándose, de ser o caso, a prestación de servizo en diferentes franxas horarias.

Segundo.- Informar destes servizos mínimos á representación sindical organizadora da folga e á entidade xestora do servizo.

Terceiro.- Facer público a presente resolución mediante a súa publicación no taboleiro de anuncios do Concello e na web municipal e dar conta ao Pleno na vindeira sesión ordinaria que celebre.

Teo, asinado, polas persoas que se detallan a continuación, na data da sinatura dixital que figura na marxe.

A alcaldesa,

A secretaria xeral, que dou fe

Lucía Calvo de la Uz

Virginia Fraga Díaz